



0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

deli 得力集团有限公司

浙字02260122号 No.6230



161019







讀書堂深衣全集



向方樹梅收

讀書堂綵衣全集

河陽趙士麟玉峰父著

受業劉凌雲輯

男宸黼編

宋志梁校

向方樹梅收賸

卷二十二

詩五十七首



七月六日身口易園山寺癸未年十五

此日不再得和楊龜山詩

癸未年十五

殖穡先殖稼藝對先藝桑君子貴端本庶不負穹
蒼所以德成後篤實有輝光人生七尺軀含靈秉
陰陽蹉跎悔無及必求造道方造道先義利辨晰
在微芒誠能敬持之動靜罔不臧炯炯徑寸心勿
使物欲戕譬若獲嘉穀殷勤去糝糠此心苟無逸
乃可論行藏幸生古人後典籍挹芬芳力行固貴
果矢志亦貴剛曰予年十五晨夕自徬徨去日雖
尚少來日正苦長孔孟爲吾師詎數列與莊設科
首德行初不競詞章輓近慕紛華役役聲利場學

古縱有獲毋乃類亡羊予情未漸染庭訓敢寐忘
歷境有順逆學人當自強試觀持篙者涉險無危
航富貴不可求貧困亦其常百年終有盡道德永
不亡此日不再得怠棄良可傷勗哉予小子一念
分聖狂

勵志詩

惟民有九職與我詩書遊命哲自初服養正在蒙
求聖學務時敏研窮苦不周示我以要道迪我以
遜修自從趨里塾始信志力優企懷推甯越庶幾
與之侔人臥吾勿臥人休吾勿休蓬心或開美面

與之侔人臥吾勿臥人休吾勿休蓬心或開美面

牆能無憂

其二

我本儒家子先世遊河陽遭時多坎壈不得歸建
康山川萬里外渺若參與商中葉漸式微力田務
耕桑家風崇樸茂行誼重一鄉大人幼輟業雅志
在縹緗趨庭荷提命對義何煌煌造道固有序進
德亦有方

其三

登嶽自岱山導河自積石凡物各有源矧其嗣聖
業聖業期厥成勿忘亦勿躡優游歷歲時久之自

融洽百家繁然與競與吾道敵幸爲孔孟徒言動
罔敢越日星中天明燭火於焉息少成若天性千
古洵一轍

其四

周末學術異醇儒亦云稀漢時江都相唐代推昌
黎宋興周程出新安得其歸門人遞紹述議論各
參差有明復繼起相與表章之屈指鄒魯後正學
良在茲予生處荒遠私淑寧敢辭年力苟不怠聖
賢洵可爲

其五

人生德未定懼爲物欲遷性靜如止水情動如汎

其五

人生德未定懼爲物欲遷性靜如止水情動如汎
瀾節情復飭性當佩韋與弦所以古君子匪徒事
簡編監史在其側几杖銘其前幽獨不敢苟一敬
遞相傳但得葆中和位育亦已全其功績以密迥
異二氏筌

其六

五方各異宜因時可善俗琴瑟有不調更張方能
穀聖賢日皇皇豈其志干祿悲天而憫人將以展
所學王道本人情力田尚淳樸誠心金石開矧與
予同屬規模務遠大庶爲蒼生福近則形詠歌遠

則配河嶽

其七

立言與立德兩者恒相需設施不在我著書亦足
娛所貴闡大道閑邪衛隆汙朗朗如日月浩浩若
江湖理足氣自生波瀾互縈紆後世本不立文質
交相瘡瑤花與琪草曾何異朽株大文故彌樸字
宙賴匡扶

其八

春秋寔已馳雙輪不停軌白晷美少年轉盼成老
醜老醜非予悲失學顏之忸舜跖豈殊途千里毫

釐剖矧予尚髫齡思自任稂莠父訓與師傳仔肩

醜老醜非予悲失學顏之忸舜跖豈殊途千里毫

釐剖矧予尚髫齡思自任稂莠父訓與師傅仔肩
不容苟惜寸先惜分敢居大禹後努力事詩書庶
足酬高厚

哭先慈

甲申時年十六

貧家婦難爲爲母亦荼苦隻身炊屢屢尚復事機
杼側聽兒臥啼嗚嗚誘以乳父母天地恩不惜辛
勤撫余年十六齡未與成人伍追維母氏劬心力
費幾許夫何四十春支離委黃土搶地復呼天椎
心心寸腐母顏日已乖顧父淚如雨

沙彘亂

乙酉

滇南在天末屬彝賴羈縻此輩習尚殊撫馭貴及
時弱則懾然伏強則擾邊陲承平日已久叛亂起
沙彝鄰賊攻吾郡比屋出守啤殺聲連四野慘戮
及烝黎守令茫無策臨衝面面圍飛鳥不敢度薄
暮神鬼悲居此危城內一命輕如絲

流寇入滇

丁亥夏六月流寇犯我疆兵戈起倉卒官吏接踵
降哭聲動天地日星慘無光老少各逃命道逢虎
與狼四境恣殺掠金帛滿路傍劫我作奴僕束縛
慮逃亡舉步或稍緩鞭笞痛莫當箐林影昏黑傾

跌心愈慌惟期免獻扑那顧鳴空腸暮夜集村塢

慮逃亡舉步或稍緩鞭笞痛莫當箐林影昏黑傾

跌心愈慌惟期免獻扑那顧鳴空腸暮夜集村塢
炙酒烹牛羊兇鋒有萬狀喧呼擁平岡醉後劓刖
人血肉濺我裳有時刳孕婦男女貫旗槍求生固
已矣求死亦不遑夜半人馬寂脫身匿叢篁一步
一驚顧暗地呼穹蒼狐兔起蹊隧荆榛長成行躡
踏奔城郭呼繩縋堞牆攀援似猿猴四顧殊徬徨
親戚聞我至城頭問審詳朋友聞我至隻手相扶
將父母向我前拊背慰百方坐定復移時始知身
未亡努力去守陴安能進酒漿但得共相保吾親
亦永康

哭先考

年十九

昊天素仁慈呼籲聽不隔而今獨不然我生罹其
厄寇氛猶未寧我父長棄擲值此兵燹餘衣棺出
倉猝我父力行仁閭里被恩澤避亂匿羅藏名山
深道路僻族人盡逋逃租賦恒缺額踪跡忽及之
榜笞任所畫子出父號呼父執子悲咽父子嗟何
辜而乃受毒螫斃斃子繼母嗚嗚深痛惜猶幸骨
肉完饑寒耐朝夕胡爲忍棄子容在音岑寂不如
桎梏時撫摩猶可得遠近父老來揮淚同涕泣燭
滅忽又明陰風穿破壁

滅忽又明陰風穿破壁

天鷄

天鷄五色毛飛鳴向扶桑紅日躍滄波照耀遍八
荒行天無停晷雲霞繞其傍幽崖呈麗景萬象盡
輝光寒谷有餘春草木被榮芳銜轡何西流曜靈
無顯藏

曜靈

曜靈無顯藏千載永相望隆冬有肅殺春風自飄
揚日新德何盛富有業斯彰盈虛互相嬗倚伏亦
非常怙恃同棄去孰挽彼青陽

襍感

天下形勢首秦楚其次燕齊稱雄武兵強馬壯地
土腴扼吭拊背誰能拒滇南僻處天一隅莊躋當
時啟道塗自是長居玉斧外元明始得登輿圖山
川遠獯獷異天下未亂滇先亂天下已治滇不治
西平嗣守三百年文物聲名多富麗因之人號小
江南蒙段歸朝比帶礪啟禎之代紀綱衰碩鼠興
歌蜚鴻哀况遇沙夸首倡亂播蕩邊陲流寇來虺
蛇徧野蟬蚍聚金馬碧雞生草萊生草萊恣煨煉
萬里蕭條南北判聞道

真人起東方已救燕齊秦楚出塗炭

山川極目盡塵埃白馬黃巾逐隊來惟有野棠開

真人起東方已救燕齊秦楚出塗炭

山川極目盡塵埃白馬黃巾逐隊來惟有野棠開
又落更無簷鳥去仍回巴渝雁斷烽烟急城郭人
稀鼓角哀寇至慙非荀巨伯却教桑梓委蒿萊
滇南亦是版輿地蟻賊披猖異遠方縣吏催科填
犴狴將軍奮臂怯螳螂豈真棄置河湟外一任憑
陵蕪爨傷誰使萑苻至此極遙看城郭晚蒼蒼
年來民力已無餘况遇干戈擾里閭鵲蚌爭持終
失利鵲鳩占據少寧居荒江乏米從何負亂世無
書可帶鋤投筆欲從班定遠好將韜略問穰苴
深山暫寄一枝棲虎豹窺門跡印泥路僻斷烟難

言言堂
乞火村虛落月不聞雞競傳下令搜巖谷獨倚殘
更聽鼓輦母子相依爲命久蒼天垂念亦含悽
昆明連歲悲戎馬四野磬磬鴻雁愁日月雲霾昏
似夜山河蕭瑟冷於秋雕梁紫燕存空壘畫閣紅
英綴淺洲賸有唾壺今已缺那堪重擊此荒丘
銅鼓山前列熾礮中心日夜若懸旌頽垣望斷親
朋信敝服難攀荆棘行讀史每傷青犢叛感時惟
冀赤眉平亂離祇覺乾坤窄耿耿寒宵坐到明

夕烽

城上風烟殺氣橫側身南望旅魂驚雖非函谷經

旬火也似甘泉立馬明郊野蒼涼騰雉兔人民奔

城上風烟殺氣橫側身南望旅魂驚雖非函谷經
旬火也似甘泉立馬明郊野蒼涼騰雉兔人民奔
竄隱榛荆徘徊日暮傳烽急草木遙看盡是兵

蟻聚吟

炎炎勢將灼涓涓成大川君子貴慎始撫字不憚
艱賊首本飢民激之使有然

楚豫初蠶起延入我滇中勦撫一失策誰能撻其
鋒不慮賊滅難但憂民力窮

儒生弱無力乃爲黃巢役手足盡胼胝猶受鞭笞
責夜月影朦朧殺人濺飛血

林花經驟雨零落不成春蓬首含芳姿其如命多

屯網羅布四野雉竟殞其身

吁嗟期門士逍遙鮮行伍臨陳怯如羊遇民猛逾
虎弓刀日在身敵來不敢拒

滇南無完室撫綏藉上官催科恣敲扑吏人皆虎
冠流寇復繼之淚下如汎瀾

雨聲

蜂蠆紛飛滿市廛何堪細雨復纏綿羈棲頻墮貧
人淚永夜偏從愁耳傳點點衝殘鳥鵲隊聲聲驚
起白鷗眠久拋翰墨無由賦不信人間有漏天

鳥聲

繞樹尋枝無地安烏烏哀怨曉風寒城頭未許將

烏聲

繞樹尋枝無地安
烏烏哀怨曉風寒
城頭未許將雛樂
屋上終悲借住難
紅柏荒村隨上下
青陵古榭共盤桓
忽思乳哺無由報
一夜楓林葉盡丹

虫聲

秋來月色散藤蘿
曠野哀吟在淺莎
乍聽高低如有訴
終憐悽惻不成歌
薨薨簷外疎燈暗
唧唧牆邊落木多
最是凌晨星散去
恐驚樵採到巖阿

角聲

城頭清漏漸將終
畫角寒生廣野風
思婦夢來千里外
征人淚盡五更中
黃沙歷亂迷衰草
粉堞欹

詩書堂
斜叫塞鴻豈獨少陵悲永夜荒山對月影朦朧

鳥聲

巢傾室毀待綢繆松柏摧殘過客愁豈少飛鴻棲
灌莽惟聞小鳥弄啁啾非絲非竹穿林出如慕如
疑隔院流怪爾兵戈都不管曉來紅日喚鈎輈

雞聲

綠林嘯聚勢如焚雞犬無存陷寇氛旅舍自難容
越石雄關豈肯逸田文山深靜待寒更轉徑仄遙
從落月聞欲訪桃源思避世無心窓下話殷勤

三十初度

戊戌

嗚呼年三十亂離居其半豺虎日縱橫倉皇無所

三十初度 戊戌

嗚呼年三十亂離居其半豺虎日縱橫倉皇無所
竄鞭箠隨其身出入受羈絆屈指一旬中饑腸何
時飯怙恃忍棄予恻然就隴畔兵荒乏禮儀終朝
淚洗面拷掠死復甦弱質任鍛鍊天道自無私至
此焉能辨沉河河不流投繯纒纒忽斷面目固已
形容亦盡變况予復喪偶悽惻誰爲伴生則如飄
蓬死則若枯蔓

王師何日來救民出塗炭

采薇歌

采薇采薇山之曲井里蕭條山容禿山容禿心如

懸望

王師來自燕

采薇采薇溪之澗
士女驚奔溪流斷
溪流斷目將
穿望

王師蘇我滇

習騎射

秋日平原淨驅馬
郊外行草淺狐兔伏
天高揚饑
鷹弦開鳴霹靂
獵獵四蹄輕盤旋
陵谷間上下如
飛騰雖非穿楊技
雙翮墮青冥感念
余同志抗懷
三代英

三代無兵農井田
聯什伍出則為方
召入即為申

三代英

三代無兵農井田聯什伍出則爲方召入卽爲申
甫耨鋤嫻止齊隱然成一旅不知何時分風尚異
於古武夫鮮識丁文臣難禦侮逮乎世衰亂往往
交相偷遂使寇盜侵揭竿起荆楚

荆楚遭荼毒蔓延及晉秦每假受撫策變亂出遂
巡誰能遺一矢轉鬪立功勲饑民悉脅從猖獗異
所聞痛定復思痛天地應慘悽予也習騎射遇者
皆奔馳意欲殺蟻賊還以慰瘡痍

瘡痍盡歡呼此事出意外少小熊虎將能使流寇
潰四郊得耕桑一旦安且泰大勇非氣矜所養在

詩書堂
其素小敵見之怯大敵斯能赴夙昔慕袁宏兼才
天所賦上馬殺賊奴下馬草露布

別友人

首夏與君別杪秋忽逮茲天道有變易世事安可
期孤鴻暮南適嗷嗷聲何悲感物惻我衷各天悼
乖離藹藹華山遊夙昔相追隨嫵婉非恒情結義
良在斯驚飈吹飛藿倏爾東南馳安得肅肅羽奮
飛從所思

爲金寧免鑠抱玉崇其身賈生豈不美奔置湘江
濱仲舒遷膠西三策爲之因賢豪恒屯蹇蛾眉召

妬嗔之子走昆明抑鬱志不伸古來多悲憤非爾

濱仲舒遷膠西三策爲之因賢豪恒屯蹇蛾眉召
妬嗔之子走昆明抑鬱志不伸古來多悲憤非爾
獨沈淪蓄德固無匹揮翰亦絕倫令名旣無虧得
失焉足陳

佳人遊西迤言在赤霞岑高視天宇外長嘯揚哀
音前臨點蒼曲洱水清心神神理悟變化何浮不
有沉幽懷自茲永仙侶相追尋朝騎白鹿遊暮采
瑤華吟倘遇雲中翰願以遺同心上言結永好下
言保芳馨

同人集龍岡寺

龍山曲抱龍岡寺波濤光搖碧簾文幾度笙歌喧

極浦廿年踪跡歎浮雲狎人鷗鷺飛還下
驚吹魚龍靜又紛况是五峰晴對眼勝遊天地幾同群

登寶華閣

碧水蒼山佳氣浮不將搖落浪悲秋
參差臺殿千峰會迤邐川原一望收
野曠煙霞饒逸興天清花鳥破深愁
登臨未盡層霄志悵望丹梯思正悠

集華藏寺

山陰勝集神仙侶野色晴看錦繡文
松老天風巢鸛鶴塔高霽日鎖煙雲
迴廊四起笙歌滿峭壁千重木葉紛
莫把昏鐘促歸騎坐升海月又重醺

聖果寺

重木葉紛莫把昏鐘促歸騎坐升海月又重醺

聖果寺

野寺蒼茫有客來野塘無主客徘徊乘風齊上青
蓮界覓句終慙白雪才溪午疎鐘時見鹿月明香
細但聞梅豪華消歇悲前代共祝昇平禮上台

春寒

春日偶寒疑北斗柳癡梅凍詫南邦應知天意高
難問可那愁心鬱未降欲起蛟龍翻閉窟將飛鴻
雁却依江暖風容易吹冰破好泛仙湖蕩槳雙

碧果菴

地偏人不到曲砌徧苔磯自愛尋真入何嫌與世

違辟房間白羽藤對挂緇衣毒熱愁無那蕭然一
坐微

野外煩囂絕城中車馬紛偶來閒問社不是故離
群淨院依風色遊心憚日曛徘徊叢柏裏香氣共
氤氳

日暮不知去棲禽啼滿林僧沾微月返星向暝樓
臨偃蹇由來性遲迴自和吟明朝期再聚松落風
吹襟

贈溫叔子畫菊歌

畫菊自有溫叔子眼中菊花無顏色千葩萬萼貌

皆神鄭老王丞掩不得鄙人重菊尤重溫初色一

畫菊自有溫叔子眼中菊花無顏色千葩萬萼貌
皆神鄭老王丞掩不得鄙人重菊尤重溫初色一
揮挂吾軒霜天搖落群芳盡錦石崢嶸數對存坐
觀立玩訢還訝紫艷金英爛相射恍惚如遊甘谷
叢葳蕤疑傍東籬下東籬甘谷杳難尋盡手千年
直到今細蘂疎枝秋嫋娜含煙帶露氣蕭森吁嗟
叔子之菊胡爾殊昔年致品自三吳分畦列植繞
山墅朝吟把朶夕對壺一吟一醉情相悅便欲因
之向點綴濡毫拂絹花神愁生色真機造化泄名
筆今餘二十年昆池門闕踏將穿孤芳一出連城
賤尺幅將來在在傳溫叔子勁氣直操無與比畫

詩書堂
中霜幹宛相似已知盛名滿人寰豈意丹青推吾
里東園繁華李共桃纔看綽約倏飄搖南渚芙蓉
雖稱絕娉婷可耐秋風高三花總不煩君手煩君
更寫菊之友紫蘭翠竹團清泉天寒歲暮恒相守

錦江行贈劉文季太史

君不見濯錦江中錦爲水形勝冠絕西南州遠勢
逶迤作字轉清波灑激帶花流蜀女濯錦錦爲燦
水之奇異殊足歎安得臨流一玩之令我胸中生
錦瀾錦瀾星橋萬里餘太史今乘駟馬車琴臺夕
訪相如調草閣朝尋楊子廬揚馬千載今已矣只

今惟有錦江水君飲江水餐江芷君之文章亦如

訪相如調草閣朝尋楊子廬揚馬千載今已矣只
今惟有錦江水君飲江水餐江芷君之文章亦如
此君行故里山嵯峨君行猶自費吟哦峽對時聽
啼血鳥渚風遙遙竹枝歌歲晚看君西南鶩到時
雪滿錦江路江頭得句應念余江中鯉魚幸無數

管仲

宋襄不足數秦楚雄方駕夷吾尚父尊成季卽其
亞蹇叔百里奚叔敖倍聲價得士貴匡襄奚事力
與詐惜哉難具陳終焉歸於假

季札

我愛延陵子觀樂目無眩興衰洞及微言言有至

論聘齊規平仲適衛說蘧瑗擇人與去侈慎禮且
寡怨三讓節不移樊祭安能困無欲故不疑鴟夷
先幾遠吳沼咎哲人孰測彼方寸

曾仲連

雀自採黃花彈人何慕哉投綸向廣淵修鱗共徘徊
吾嘉曾仲連排解一笑開功成不受報英聲振
八垓昭王餌多士高築黃金臺樂毅與劇辛徒爲
千金來

讀書堂綵衣全集卷二十一止

讀書堂綵衣全集

讀書堂綵衣全集卷二十一止

讀書堂綵衣全集

張白生校

河陽趙士麟玉峰父著

受業謝儼輯

男宸黼編

卷二十三

詠史詩

西漢 三十二首

東漢 四十六首

讀書堂詩集 卷二十三詠史詩 一

詠史詩序



詠史詩序

詩兼六義與與比賦而互陳史有三長學兼識才而並重二者遡源則一辨體則殊也晉魏之時歌吟漸著寓譏褒於言外援古所以諷今澆塊壘於胸中因文所以見志故張協二疏之詠意有所規卽顏延五君之篇中多自寓攬其藻繪固爲學士大夫之佃漁覈以勸懲尚非人心世道之鍼砭何則狐裘雖暖非腋奚珍玉卮可擎無當弗貴也而况代非一人人非一事刪繁則疑於罣漏廣引則近於支離尚議論者恒患其雷同逞才華者時虞

其苛細問有冰壺肆映既賢否之不淆玉尺高懸
復纖毫之無憾如茲編者乎吾友玉峰學類蔡張

年齊終賈

時年二十二
服闋讀史作

謙冲自處焉知來者之不

如今論斷無私第恨古人之不見我月臨書幌當
五夜而長吟花點墨池起九原而盡服黠狐而後
事鮮可傳洙泗以前人多定論茲編始自兩漢迄
於有明君爲臣綱觀作極而知治亂法以人立觀
所由而識廢興是非不拾唾餘音諧金石分合間
因類附義炳日星置之巾箱寧憂紙費藏諸篋衍
可佐卧遊他若楊氏之彈詞惟供琵琶之玩弄卽

如顧氏之韻語僅便象勺之呶唔發潛德之未彰

可佐卧遊他若楊氏之彈詞惟供琵琶之玩弄卽
如顧氏之韻語僅便象勺之呶唔發潛德之未彰
此其是矣誅奸諛於已逝不亦嚴乎僕幸卜南村
之鄰得披東觀之業手此一冊勝讀十年之書懸
在五都難易千金之字可絃可誦班史對之而猶
慙至當至公杜陵聞焉而却步有如挈領亦似積
薪謂之五言長城不寧惟是推以千秋信史誰曰
不然

順治七年歲次庚寅嘉平之朔同學弟張泰茹謹

識



詠史詩
西漢



詠史詩 西漢

引

居諸不我留敢將鉛槧託三代至嬴秦賢奸不
煩索其後人品殊議論亦舛錯挑燈引滿餘詠
史恣礚礚深情寄短章述而未嘗作

蕭何

蕭何漢宗臣入秦取圖籍轉餉給關中薦韓定大
業養民以致賢興王莫能易詎意刀筆人懷此伊
周策

張良

子房建奇功首在焚棧道其次捐關中三人自爲
保名成從赤松飛鴻自矯矯若何有辟疆反爲產
祿導留侯無哲孫此理亦難曉

董公

漢庭有三傑不如董公奇縞素討項羽諸侯鞭弭
隨名正言亦順遂開赤帝基拙哉居巢計適爲興
王資

婁敬

洛陽天下中原非用武國秦地阻山河天府可立
極婁敬脫輓輅而乃負特識留侯有同詞卽日車
駕出

極婁敬脫輓輅而乃負特識留侯有同詞即日車

駕出

樊噲

高帝寢禁中群臣詔弗入排闥賴舞陰言詞甚切
直有此一節奇寄託不負國平生戰功多鴻門資
厥力微噲誚讓之沛公無生色

陳平 附王陵

漢高疑功臣皆自由曲逆始淮陰無反形力諫猶可
已導之以偽遊誅夸從此起迨至惠帝時貪位不
知耻儼然與倖臣左右掌邦紀定劉與安劉大言
何所恃苟非朱虛侯漢祚將先圯諤諤王太傅英

標垂千祀

陸賈

陸賈陳詩書潤色太平業一出尉陀降誓不失臣
節遨遊好時間車馬甚修飭遺金授後人逍遙踰
耆耄和調將相臣安劉人不識

劉章

絳侯納北軍朱虛入宮衛矯節仗紀通給詞劫酈
寄天意欲興劉使章為祿壻至今耕田歌想見坐
中悸

賈誼

河南薦賈生絳灌多不喜條議雖切時紛更究鮮

齊南足孝文月母乃非臣豐有十過目合武鳥危

賈誼

河南薦賈生絳灌多不喜條議雖切時紛更究鮮
濟痛哭孝文朝母乃非臣體有才過自矜賦鵬竟
不起

鼂錯

鼂錯上邊事偉哉折衝臣抗言削七國安劉不顧
身袁盎首建議借之反相傾朝衣斬東市千古猶
酸辛鄧公爲上白慷慨見敷陳天道多往覆殺盎
假梁人

周亞夫

亞夫條侯子將相有兼能固爭爲國本不肯侯后

兄降國封太重諫言礪忠貞嶽嶽真宰相况有七
國勲而乃下廷尉不念文帝恩君侯反地下讀罷
淚沾襟

張釋之

附于定國

釋之善守法不隨上喜怒喋喋惡嗇夫長厚乃其
取豈惟用法當識議高千古孝武刑網密法吏猛
如虎定國爲廷平確遵前人矩迎師學春秋私與
弟子伍天下無冤民宜爲股肱輔

申屠嘉

丞相剛方器有之朝廷尊鄧通戲殿上疇敢與之
爭盛服召通至叩首怒未平拭衣啼宛轉天子不

丞相剛方器有之朝廷尊鄧通戲殿上疇敢與之
爭盛服召通至叩首怒未平拭衣啼宛轉天子不
加嗔嗤彼博山侯再拜望車塵

董仲舒

仲舒固儒者獨探天人旨得力在春秋感應有妙
理六藝時間陳非聖斷勿齒兩主最驕奢見公亦
順軌曲學多媚諛耻與公孫比

汲黯

汲黯社稷臣百鳥遜一鶚直諫難惑非他人如振
落矢志在拾遺淮陽非所樂讜論庇本根反謂言
妄作天假以長年畫室何所作

公孫弘

公孫洵釣名徒步取高爵首鼠懷兩端上前輒背
約登進幾賢良徒然開東閣高賀知其心豈曰賓
客惡

東方朔

世傳東方朔詼諧好滑稽又引神仙說侍宴在瑤
池觀其拒董偃辟戟無戲辭况止蓬萊使名言確
不移

霍光

子孟固宗臣處家刑于寡意欲貴成君遂貽參夸
禍曲徇厥妻謀乳醫竟勿坐不學誠有之無術則

子孟固宗臣處家刑于寡意欲貴成君遂貽參夸
禍曲徇厥妻謀乳醫竟勿坐不學誠有之無術則
未也

衛

青

附霍去病李廣

衛霍起外戚功名非所難况會有天幸師出凱歌
傳一造闔顏界一封狼居山恃戰敢深入封賞日
以宣廣軍非選士迷道期又愆自剄羞對簿一軍
淚浚潺

蘇武

子卿仗漢節卧起十九年歸朝人不識白髮已盈
顛厠之麟閣末將慰遠人觀嗟彼南宋使守節亦

讀書堂
有然君王葬五城縱歸能無牽

李陵

少卿文士耳用兵非所長用兵先紀律魯誓戒寇
攘婦女與珍寶軍中何潛藏况復陷大澤地利未
審詳鏃矢五十萬一日委道傍雖微管漏師焉得
不潰亡喪師且辱國厥咎由殺降河梁擅逸調音
韻發鏗鏘用之以協律庶爲清廟光

丙吉

附魏相

丙吉誠長者大恩不自覺心憐太子寃加意曾孫
藥巋然佐中興揚善掩過惡同心魏弱翁輔政優

才畧好引掾吏言故事勤商摧防弊去副封因之

藥歸然佐中興揚善掩過惡同心魏弱翁輔政優
才畧好引掾吏言故事勤商摧防弊去副封因之
廢三霍博陸有鴻功傷哉恩太薄

趙充國

充國識敵情審時操勝算急則恒相依緩則自中
變先零與罕开誅宥非同案少年喜邀功何時息
爭戰老臣請自行諭度恐難斷條議陳便宜降者
幾及半罷兵屯湟中坐待敵解散踰年西羌降整
師還畿甸無非靜鎮功豈是屯田善至今祖營平
後世爲其眩

劉向

劉向貴戚臣精忠貫白日元成漢祚衰屢疏陳得失王氏權漸隆憂心日不給災異著五行法戒甚詳悉浮沉三十年向死莽篡立吾恨其子歆諂諛爲漢賊

蕭望之

望之在亂朝宛若雞群鶴無罪忽罷官見機宜引却去就一不明致爲群小虐不如二疏歸鴻飛翔寥廓果然殺吾傳昏庸能無喙

黃霸

附龔遂召信臣尹翁歸

黃霸守潁川教化其首務鳳凰爲之翔治行於斯著龔遂恤飢寒盜賊多感悟因解劍與刀買牛返

黃霸守潁川教化其首務鳳凰爲之翔治行於斯
著龔遂恤飢寒盜賊多感悟因解劍與刀買牛返
農圃信臣有仁恩戶口日蕃庶事之如父然三農
咸悅豫翁歸最公廉吏民不敢忤赫赫于廷尉囁
嚅終難吐當時太守尊典革惟所樹增秩并賜金
託以腹心故或爲關內侯或居廷尉署久任上下
安治效所以布

傅介子

附馮奉世陳湯鄭吉甘延壽

三人事跡同立功萬里外介子誘樓蘭損威不足
異馮陳識兵機要擊甘矯制望之與稚圭猶尚遲
封拜不如鄭吉屯威震西域界碌碌延壽流因人

以成事

朱雲

小臣請尚方願將佞臣斬言出左右驚舉朝能無
赧張禹老鄙夫漢祚從茲殄輯檻亦何為徒負忠
臣諫

鮑宣

附龔勝邴漢逢萌梅福

鮑氏世忠貞宣也尤切直進賢賢不庸擊奸奸未
黜所以數上書無非為王室諸生舉幡隨難免髡
鉗律竟與汜鄉侯捐生同殉國始信龔邴高早將
骸骨乞其次如逢萌挂冠神武側其次如子真歸

隱吳門卒

骸骨乞其次如逢萌挂冠神武側其次如子真歸

隱吳門卒

孔光

漢亡有孔光厥罪誠難狀挾私髡鮑宣惡嘉劾罔
上始焉媚董賢後亦附王莽如何一代儒遂絕九
廟享事勢已釀成晏然受新賞

史丹

西漢崇外戚遂致王莽篡四姓有史丹匪躬弗敢
晏國本在建儲動搖必有變頓首伏青蒲從容效
規諫既知帝意回卽認妄聞譴臨事不張皇消弭
無人見

楊雄

莽時雄已老戀戀惟一官美新而劇秦文人無心
肝史稱善自守飾詞未必然縱投天祿閣安能贖
厥愆不識君父字問奇空停軒

詠史詩

東漢

詠史詩 東漢

鄧禹

杖策隨光武首在攬英雄行師有紀律携負相追
從童叟繞車右威名震關中勲成各就第不失儒
素風子孫守一藝奕世功名終

馮異

馮異識英主首說五邑臣倉卒渡河北空舍燎衣
頻始垂廻溪翅終策澠池勲豆粥與麥飯一一報
艱辛垂老猶敢戰征西領副軍徘徊大討下不伐
疇如君

祭 遵

祭公雖儒將犯法所必刑舍人尚格殺何況是軍
營麾下 有紀律所在不知兵對酒必投壺間或雅
歌興臨終命薄葬達識冠古今奉公復憂國宜其
追悼深

耿 弇

附耿况

耿况居上谷遣弇詣長安時年方弱冠即識命世
賢願徵兩郡士合力攻邯鄲勸之復大業不與更
始連三方既底定臨淄奏凱旋落落初難合有志
竟成焉較之韓侯績襲降異攻堅况聞乘輿到肅

清待百官椎牛以醢酒功業何爛然

竟成焉較之韓侯績襲降異攻堅况聞乘輿到肅
清待百官椎牛以醢酒功業何爛然

寇恂

附賈復

光武得河內守者難其人惟時有鄧禹推賢薦寇
恂器械旣利用餼糧足供軍以此成王業功與文
終均其後潁川亂命之撫吾民寇盜盡解散先後
以捷聞百姓遮道留咸願乞寇君留鎮踰一載士
庶懷其仁觀其待賈復機智歎絕倫廉藺風重見
真不愧大臣

馬援

文淵喜振施大材果晚就遨遊二帝間擇主自不

詩書堂
苟聚米與顧鞍求用何太驟功名垂南荒銅柱表
斥埃嗟此矍鑠翁藁葬河西右遺言感呂种永爲
藩邸守

竇融

融世仕河西梁統推爲主能從伏波言不惑王元
語專心事東方遣使納疆土兄弟並顯庸爵位異
儔伍融後貌益恭帝亦頻賜與君臣無猜疑休戚
超今古子陽井底蛙終爲座上虜

邳彤

附任光來歙

王郎假名號烏合集邯鄲邳任獨不附會議阻西

還指陳北行利數語勝登壇光復高祖業耿弇見

王郎假名號烏合集邯鄲邳任獨不附會議阻西
還指陳非行利數語勝登壇光復高祖業耿弇見
亦然來歙爲監護一戰破王元已乃中要害虎牙
淚潺湲叱之草遺表力薦段襄賢抽刀忽已絕孤
忠貫日寒

吳漢

吳漢固虎臣帥師爲漢翼心如金石堅所向無敢
逆對幟立陣前隱若一敵國誰能一日間八戰皆
八克遺表無他言慎赦有深識

宋弘

夫婦人倫本况復共糟糠一言明大義足以感湖

陽朝服坐公府微詞讓桓郎他日召之鼓舉動忽失常使公相天子必不牽帷房忍使貴人黜復廢太子疆

嚴光

附周黨王良

周黨不受祿賜帛返考槃王良除諫議恭儉著當官咄咄羊裘叟三反至長安車駕即日幸延入聚故歡堅卧不肯起仍歸富春灘見首不見尾應作神龍觀

董宣

宣爲洛陽令格殺驂乘奴朝廷三尺法守之敢戲

渝敕令謝貴主據地不服辜賜錢三十萬遂以強

宣爲洛陽令格殺驂乘奴朝廷三尺法守之敢戲
渝敕令謝貴主據地不服辜賜錢三十萬遂以強
項呼宣也頒群吏清名震京都

桓榮

附張佚

桓榮明帝師深得稽古力賜馬與乘車尊崇動邦
國張佚能正君應不愧輔翼以之佐疑丞青宮自
進德賢哉二大夫同心盡匡弼若何信竺乾遣使
至西域

鍾離意

僕射素敢諫上疏正非宮一言感天意澍雨慰三
農常救小臣過時將詔書封明帝雖偏察法言猶

能從

陰識

附馬廖諸外戚

東漢寵外戚貴盛易驕奢如陰如馬鄧尚能閑厥
家梁竇專權柄人民盡怨嗟一朝以屬吏棄之如
泥沙逮至桓靈末董何競矜誇乃知四氏學防患
慮已遐和熹辭封爵德可冠昭華

耿恭

耿恭屯疏勒掘地不得泉再拜醴泉湧至誠格蒼
天既而車師叛糧盡勢力單將士同生死守禦誓
益堅歸朝蒙顯爵絕塞聲威傳

班超

益堅歸朝蒙顯爵絕塞聲威傳

班超

班超熊虎臣鄩善已奉詔不意非使來供億將情
暴親帥廿六人搗穴各還報諸國畏兵威遣子復
通好長為都護使還歸玉門老班勇有父風羈縻
西域巧

班固

附丁鴻桓郁魯丕賈逵黃香

班固成漢書足與龍門配建初倣石渠五經論同
異孟堅實與焉丁桓皆遜避作頌勒燕然周宣差
可擬逡巡死獄中天下惜其藝後此會東觀疇能
析疑義魯丕非其倫而况賈黃輩

尉柄反令梁冀傾收繫竟絕命三賢齊上書意氣
千秋振

馬融

馬融素修飾絳帷列管弦門人日益衆傳經以次
前乃爲梁冀使草奏劾子堅吳祐面詰之唾罵何
辭焉以此作忠經欲付一炬燃

荀淑

附韓昭鍾皓陳實

穎川四長中至行首荀淑吏民不忍欺因以神君
目寇盜起山東郡邑遭荼毒相戒弗犯瀛韓昭爲
民牧鍾皓政先寬不復事桎梏豈無皂白人亦爲

保身勗陳實在官時弔讓不爲辱此中有妙權保

民牧鍾皓政先寬不復事桎梏豈無皂白人亦爲
保身勗陳實在官時弔讓不爲辱此中有妙權保
全非一族所以古恭人溫溫類如玉不剛亦不柔
中外受其福

李

燮

附文姬王成

燮姊知禍作豫與王成謀二兄皆就考載燮下徐
州兩人隱廛市晨夕暗相投天產此義士心力罔
不周保全忠臣裔青簡至今留

黃瓊

黃瓊明哲人練達臺閣事尤能守憲章不肯媚梁
冀貴戚與宦官嫉之如蜂蠆侃侃上奏疏紀綱賴

尉柄反令梁冀傾收繫竟絕命三賢齊上書意氣
千秋振

馬融

馬融素修飾絳帷列管弦門人日益衆傳經以次
前乃爲梁冀使草奏劾子堅吳祐面詰之唾罵何
辭焉以此作忠經欲付一炬燃

荀淑

附韓昭鍾皓陳實

穎川四長中至行首荀淑吏民不忍欺因以神君
目寇盜起山東郡邑遭荼毒相戒弗犯瀛韓昭爲
民牧鍾皓政先寬不復事桎梏豈無皂白人亦爲

保身勗陳實在官時弔讓不爲辱此中有妙權保

民牧鍾皓政先寬不復事桎梏豈無皂白人亦爲
保身勗陳實在官時弔讓不爲辱此中有妙權保
全非一族所以古恭人溫溫類如玉不剛亦不柔
中外受其福

李 燮 附文姬王成

燮姊知禍作豫與王成謀二兄皆就考載燮下徐
州兩人隱廛市晨夕暗相投天產此義士心力罔
不周保全忠臣裔青簡至今留

黃 瓊

黃瓊明哲人練達臺閣事尤能守憲章不肯媚梁
冀貴戚與宦官嫉之如蜂蠆侃侃上奏疏紀綱賴

不墜

皇甫規

威明初對策指斥大將軍因之置下第謀畧不得
伸擊羌當封爵無賄賂寵臣傾陷輸左校太學為
之奔度遼有威望掣肘鮮功勲自言西川傑恥不
與黨人

朱穆

朱穆刺冀州望風解綬去糾舉鮮所私郡邑沐膏
露心疾宦官橫敷陳于帝怒至今絕交文猶為薄
俗訴

盧植

附皇甫嵩

盧植生川後居經我幾宜三年寺澤長女樂之

俗訴

盧植 附皇甫嵩

盧植性剛毅窮經識機宜三年侍絳帳女樂未嘗
窺奉命平張角屈指滅可期左豐索賄賂檻車下
有司嵩能恤士卒重覩捷書馳

傳 燮 附崔烈

崔烈無志識妄議棄涼圍燮欲安天下請上亟斬
之乃為趙忠譖漢陽牧殘黎慷慨赴戰死悲風起
旌旗

張陵

張陵偉男子忠貞邁群倫臨朝叱冀出奪劍命虎

續書堂

詩集

卷二十三詠史詩

七

言書堂
賁舉主非不念守憲卽報恩左右盡失色能令朝廷尊

左雄

左雄立限年亦爲常人設顏淵與子奇寧復論歲月宋娥阿乳母顯榮同建策裂土并開疆名器得無褻雄也反覆陳禍患非其戚

崔寔

山陽愛寔論謂宜寫一通置之廣坐側可以拓心胸疾固資梁肉養不廢藥籠所以古爲政寬猛貴得中有激故云爾知變自不窮

陳蕃

附竇武何進

得中有激故云爾知變自不窮

陳蕃 附竇武何進

蕃武皆正人同心興王業謀欲誅宦官心事自坦
白牽制在宮中猶豫不能決成敗在須臾而乃歸
盟櫛奏為朱瑀窺干戈起肘腋張奐為所給率兵
返攻擊一蹶不可支中外喪魂魄迨至何進時不
從陳琳說徵兵詣京師綢繆無碩畫太阿既授人
赤帝遂中絕

李膺 附范滂孔褒夏馥賈彪

元禮號龍門允為人倫矩事君不辭難尸首填牢
戶孟博志澄清乃為浮名誤雖與李杜齊危亡亦

詩書堂
何預張儉望門投藏匿盡掩捕遺禍及萬家褒融
幾同錮不如夏馥高毀形入林慮賈彪得其中閉
門獨不顧

趙苞

羌人劫苞母攻城載之前城存母已戮嘔血歸黃
泉當時展智畧尚可免摧殘不如周孟威不屈母
亦全

桓典

桓典爲御史都人避青驄宦官不敢犯猶傳司隸
風

蔡邕

風

蔡邕

蔡邕論三互近禁宜蠲除青虹見玉殿消弭詔諸
儒對策由趙霍作姦蔽刑餘呂強爲之請髡鉗徙
朔都三遷感知遇同逆則已誣善人國之紀王其
無後乎

鄭衆附諸宦官

東漢寵宦官封侯自衆始拒虎復進狼國祚遂傾
圯順帝十九侯襲爵許養子桓帝委兵權五侯多
不軌靈帝十三侯潛與黃巾比自古用刑人必爲
國家累亦由過激然衆正能無罪袁紹誅黃門殃

及稚男子良賀共呂強清忠達國體野鶴在雞群
強猶置於理

黃憲

附周燮馮良法真徐稚姜肱袁閎韋著李曇魏桓郭泰茅容仇香申屠蟠

樊英

叔度千頃波抱道高不仕周馮隱衡茅法真以身
退仲舉薦五人辭榮葆良貴其中有徐姜造履尤
淳備魏桓能審時傾危非可試獨有郭林宗知人
善獎礪茅容徒步從仇香資其誨身名幸兩全不
入黨人議蟠居梁碭間超然評論外矯矯如冥鴻
迴翔在空際豈若盜虛聲觀聽並難慰

杜

詩

附任延張堪第五倫宋均袁安廉范朱暉虞詡李固張綱劉寵

廻翔在空際豈若盜虛聲觀聽並難慰

杜

詩

附任延張堪第五倫宋均袁安廉范
朱暉虞詡李固張綱劉寵

西京多名守東漢亦有之杜詩父而母任延公靡
私堪傳麥穗頌倫以清惠馳九江多異政三楚理
單詞廉公來何暮朱季去益思擊羌虞詡善散賊
子堅奇惟有廣陵守馳書偃旌旗惟有會稽守投
錢在江湄

董卓

卓乃殘賊耳何進召之入諸陵旣已夸九廟復延
藝呂布情乖離袁紹偽戴翼燃臍在豪街萬姓人
人悅

曹操

孟德亂世雄月旦評非誤挾帝令諸侯遂移炎漢
祚五世歷相傳芳爲他人乳吳蜀尚未平厥宗已
先斃勞心亦何爲寂寞西陵路

袁

紹附表術

本初爲盟主屯兵在魯陽不迎天子駕空遺烈士
殃皇天故震怒官渡身先亡公路冢中骨僭號何
猖狂况有譚尚輩兄弟互相戕不知蜻蛉側黃雀
早潛藏

孫策

江東孫伯符智勇皆超世髫齡結知交尤與公瑾

孫策

江東孫伯符智勇皆超世
髫齡結知交尤與公瑾
契慨然思復讐所向無堅銳
釋慈忘舊嫌破祖署
曹事奈何喜微行不從虞
翻說白龍困豫且遂爲
貢客弒

讀書堂綵衣全集卷二十三止

讀書堂詩集

卷二十三詠史詩

三

讀書堂

朱



三

讀書堂綵衣全集

讀書堂綵衣全集

河陽趙士麟玉峰父著

趙嗣葉訂

受業楊甲壯輯

男 宸黼編

卷二十四

詠史詩

三國 二十八首

兩晉 六十一首

讀書堂



詠史詩
三國

詠史詩 三國

諸葛亮

孔明王佐才出處得其正先主紹高光原不同他
姓三顧起隆中王業數言定仲尼在衰周豈不識
天命皇皇車馬間猶冀展其蘊伐魏將毋同中原
爲之震功名垂荒陬南人俱臣順遺表有出師千
秋歎忠盡

龐統

士元號鳳雛能擅人倫鑒三策定西川事業從茲
建以之治未陽宜其多未練武侯尚不言庸庸何

讀書記
足歎人非曠世才慎勿笑斥鷃

法正

法正識左公傾心密擁戴說之取益州深爲生民計惠不忘壺餐仇必報睚眦若在諫東行不致獍亭敗亮正雖異趣公議交相愛

蔣琬

蔣琬社稷器修飾非所長安民以爲本治國守紀綱是時喪元帥上下盡張皇無戚亦無喜舉止如平常衆心由是服休休未可量

費禕

文偉明識人賦性多謙淑車旗已載塗一枰相角

費禕

文偉明識人賦性多謙淑車旗已載塗一枰相角
逐來敏聊試之辨賊此可卜與允同立朝虛中納
忠告

鄧芝

鄧芝之江東說之同伐魏旣知吳國情亦識蜀國
勢唇齒果相依許昌敢窺伺奈何背誓盟蜀亡吳
亦斃苟有瑜亮存青蓋何能至

董允

允才不及禕治事日靡暇獻替殫公忠左右法不
赦所以允在朝黃皓爲之下無何哲人亡事權任

所假宮府日乖離魏遂伺其罅

關羽

附張飛

關張熊虎臣侍立在左右兩人好尚殊寬嚴微有
咎髯也好春秋潔然明去就威震華吞間大名垂
宇宙桓侯勇絕倫西川崇俎豆當時釋嚴顏高風
得未有

趙雲

壯哉趙子龍一身都是膽苟非智勇全弩射又誰
敢憶取成都時首辭所賜產建議還居民反側盡
知感自許霍驃姚為相亦無忝

姜維

自為壽忌功思慮復青容上戎真出而無非為莫

知感自許霍驃姚爲相亦無忝

姜維

伯約著忠勤思慮復精密北伐屢出師無非爲漢
室春秋書乾時無功亦不黜一旅度陰平早已興
櫬出塞灰思復燃強與鍾會密其如厭亂何遂爲
衆兵執

廖立 附李平

廖立及李平皆爲武侯斥及其卒五原拊膺相涕
泣薦人人不懷罰人人皆嫉武侯獨不然聰明而
正直相道貴無私端不崇智術

劉謚

讀書堂
劉湛奇男子身列有餘榮寧共綿竹死不隨安樂
生東吳國旣絕非魏祚亦傾何如昭烈後千載流
英聲

荀彧

文若負才名勸之固根本及與袁紹爭勝敗何并
井業作劉項觀用奇摧厥猛忽拒董昭言無乃自
矛盾首鼠懷兩端壽春笑徒列

荀攸

公達善謀議決策許譚平袁氏跨四郡地廣富甲
兵兄弟相攻伐救之可兼并魏苟得河北霸業自

可興况聞性嫉惡夙有知人名宜其相契合一見

兵兄弟相攻伐救之可兼并魏苟得河北霸業自

可興况聞性嫉惡夙有知人名宜其相契合一見
統軍營

程 昱

程昱守鄆城兵惟七百剩張邈既叛奔郡邑多響
應往說斬允平遂誅東阿令勇畧自絕人賁育不
能近微子吾無歸執手下車迎

郭 嘉

奉孝見袁紹決其事鮮成仕魏叅謀斷翩翩有令
名十勝與十敗策之熟且深烏丸貴神速譚尚宜
緩征降年雖不永才大使人欽

張遼

文遠嫺將畧陷陣戰合肥單騎至麾下疇不畏其
威柳城遇蹋頓殪敵不遣歸雄名止兒啼至今有
餘輝

賈詡

賈詡縱橫士决機何疾速不從撫安謀江東空馳
逐不常圖自安力以子道勗曹公固問之默然久
不復吾方思袁劉定儲一語足鹵城請進兵毋乃
失之促

華歆

吾鄙華子魚擲金復捉視葛巾馬首迎巢由必無

華歆

吾鄙華子魚擲金復捉視葛巾馬首迎巢由必無
是傾心事曹公不知有羞耻勒兵入宮闈名節掃
地矣

周瑜

公瑾萬人英智畧實不測高議異群臣拒曹不送
質赤壁建奇勲一炬干戈熄惜哉大命傾師至巴
丘卒遺表薦橫江丹衷貫白日江東有斯人王業
何難立

魯肅

附張昭

魯肅臨淮俠結士好賑窮指困助公瑾差有豪士

詩書堂
風對榻問籌畫乘釁俟從容孫劉如唇齒魏敢窺
江東借荆非失策漢賊思協攻庸庸張子布質子
亦甘從

呂蒙

呂蒙長行間從未知涉獵討鹵授之書軍中乃發
篋子敬大奇之非復吳下客所以古孫吳至今遺
手澤白衣搖櫓時始見變化益

陸遜

伯言負長才代蒙居陸口致書深自謙遂賺壯繆
走昭烈親伐吳相拒歲月久連破四十營仍還白

帝守輔登居武昌左右掣其肘未幾恚怒亡崇論

走昭烈親伐吳相拒歲月久連破四十營仍還白
帝守輔登居武昌左右掣其肘未幾恚怒亡崇論
自不朽

徐盛

徐盛對魏使側目怒未平江東有長塹將相皆人
英寧肯爲魏下有識決其興黃初會戰艦伐吳至
廣陵盛也以師禦植木爲疑城軍容旣整暇江水
浩縱橫臨流三歎息返旆罷南征天險洵可恃千
騎未足憑

管寧

附邴原王烈

北海三高士避地在遼東幼安謝世事學者許之

從根矩尚清議剛直鮮所容寧也箴規之矯矯如
冥鴻彥方化閭里望廬知高踪所以守劍叟卽是
盜牛翁

管輅

公明不言易深得易之旨清酒三升後高言何斐
亶是非單子春寧能窺涯涘

嵇康

叔夜善養生文辭亦莊麗不肖媚要津箕踞待鍾
會士季譖殺之其事出文致當時七賢中安豐誠
好利餘皆隱于酒不失其爲智啓事慕山濤辭昏

阮籍義始平解聲音劉伶小天地曠達夫何傷鄧

可乃了耶

好利餘皆隱于酒不失其爲智啓事慕山濤辭昏
阮籍義始平解聲音劉伶小天地曠達夫何傷鄧
何乃可鄙

王哀 附嵇紹

王哀痛父誅未嘗西向坐徵辟每力辭衡門縱高
卧聞詩泣蓼莪門人廢其課嵇紹死蕩陰終悲弗
克荷

卷之二

詠史詩

兩晉附宋齊梁陳隋

詠史詩 兩晉附宋齊梁陳隋

傅位

司隸性剛果峻急無與倫奏劾若不及捧簡待詰
晨貴游俱震懾朝廷爲之尊意期挽士習不愧臺
閣臣

王祥 附王覽

王祥孝後母率妻事彌恭天生覽與婦涕泣相追
從祥固世罕觀覽尤未易逢隱居三十載愛養無
終窮母歿杖而起毀瘠弟兄同海邦仰政化別駕
有弘功

傅咸

司徒建讜議首爲設官多并員兼省役教民植田
禾務農知節儉節儉召天和不見崇與愷終自嬰
網羅

山

壽附劉毅

山公居吏部啟事稱明達神明存乎人拙者泥其
法中正自陳群損治十有八上品無單寒下品無
顯閥徒自長浮華焉能定優劣毅也抗言之銓衡
猶轆轤

賈

充

附衛瓘

賈充恃女后心腹布朝廷太子旣中廢大臣爲其

賈充 附衛瓘

賈充恃女后心腹布朝廷太子既中廢大臣爲其
傾貂蟬苦不足宵人列簪纓始知二南化所以致
昇平苟冊衛公女晉祚猶可興忠言如伯玉撫座
空沉吟

羊祜

叔子真儒臣鈴閣何輕俊受命鎮襄陽綏懷及遠
近恩德感吳人不以掩襲勝越境相餽遺深信不
爲鳩孫皓虐萬民乘釁兵可進朝命寢不行幾陷
荀馮佞疾篤薦薦征南江東乃克定遺碑表峴山樵
牧皆知敬聖慮在平吳達哉斯人論

杜預

武庫推征南不徒左氏癖考課議不行夙弊終難革預與張茂先共贊平吳策矧其領一軍江口親籌畫吳降返襄陽講武屯險阨雖安不忘危老謀自周密平生未踞鞍力難貫一札用兵獨如神孫吳未能及

王濬附王渾

王渾召濬言風利難回舳忌功欲害之遂以違制告晉武詔不行封爵尚未服苟非范通謀幾為鍾鄧續休休杜征南足為人臣鵠

張華附裴願韋忠

鄧續休休杜征南足爲人臣鵠

張華

附裴頠韋忠

司空博物流讀書三十乘史漢滾滾談其旨自韶
令奈何不見幾猶自貪政柄郭賈廢東宮倫秀修
夙釁可憐張茂先竟同裴頠殉韋忠懼餘波遠之
何敢近

石

崇

附潘岳

崇岳皆賈黨望塵拜廣城奴輩利吾有崇死猶可
矜岳旣負母訓乾沒焉避刑况爲太子草神人恨
不平誅僂要自取特假孫秀行惜哉江海才巢覆
卵亦傾

王衍 附樂廣

夸甫尚清談舉朝欣相若萬物為芻狗六經成糟粕放達鮮禮儀亂亡從此作衍謂無宦情而乃居倫幕三窟雖已成排牆究難却彥輔猶不然尚知名教樂

周處

處為三害一悔過從機雲州郡交徵辟志行軼群倫後復死王事忠孝萃一身人苦不自知善變莫如君

陸機 附陸雲張翰

機雲曠世才出處昧時勢不從彥先言難聽華亭

陸機附陸雲張翰

機雲曠世才出處昧時勢不從彥先言難聽華亭
唳孫費洵奇人忘身殉吏議富貴難久居人生在
適意卓矣張季鷹秋風戀鱸膾

何綬

三馬食一槽五胡鬻群馬四主五十年八王不相
下渾忘骨肉恩吞噬傾大厦綬爲曾之孫遺言尚
堪把武皇之遠謀銷兵恐不暇人心猶未安宮中
忽晏駕汝曹罹其災幸勿咎氣化及乎永嘉時何
氏只空舍

劉淵

附石勒姚萇苻洪慕容廆

劉淵一倡亂井雍盡披猖懷帝旣執蓋愍帝亦行
觴不勝庾珉哭空使辛賓戕遡原建武末雜居秦
晉邦宜乘平吳力驅之出封疆復古荒服制峻今
出入防非無徙戎策築舍等道傍

劉弘

劉弘耆舊臣恩威播江漢蠲禁萬姓歡給糧同列
歎得公一紙書賢踰從事萬山簡不能遵習池日
延玩父老咸謳思同彼甘棠眷

劉琨

附祖逖

祖逖清中原劉琨忠晉室一死匹磾手一在雍丘

卒先鞭亦何爲中流空擊楫回思起舞時兩賢自

祖述清中原劉琨忠晉室一死匹磾手一在雍丘
卒先鞭亦何爲中流空擊楫回思起舞時兩賢自
奇崛

王

導

附賀循顧榮刁協周顛

茂弘晉夸吾聲名重江左大義在滅親發喪妙用
假顧榮邦之英賀循亦儒雅刁協與顧和諳練習
朝野導皆任用之所以克負荷雖無赫赫名能弭
國家禍譬如尫羸人無損卽益也私憾殺伯仁雖
悔究安可

温

嶠

附陶侃庾亮

太真第一流孝當爲忠釋能結錢鳳歡假與王敦

讀書堂
懌不過反掌間遂誅兩叛逆陶公經濟才運甓日
以百未與顧命恩徘徊不卽發及至建康城又懷
西歸策微嶠左右之功名隳白石元規黜陶回丹
陽乏兵擊師敗奔潯江泥首甘遠謫

郝鑿

附桓彝鑿孫超

道徽稱儒雅託疾避逆倫荒歲從之嶧宗族沐深
仁蘇峻反姑孰下詔徵諸軍鑿也獨流涕赴難忘
艱辛所恃在大義可以激臣民桓彝力戰死志節
與之均若何惜之後不臣有嘉賓

卞壺

附二子盱眙

望之忠烈臣立朝能正色砥柱名教流聞者皆心

卞壺 附二子盱眙

望之忠烈臣立朝能正色砥柱名教流聞者皆心
革力疾戰西陵忠孝一門積髣髴日蒼蒼九原同
化碧

劉超 附鍾雅

超為元帝拔儲粟不滿嬰職居射聲尉親統君子
營石城遇峻反左右扈駕行問遺一無受給馬不
肯乘臣節逾加謹日猶進孝經鍾雅亦佳士艱難
有同心

王敦 附蘇峻祖約桓溫溫子立

晉末鮮明哲往往產亂臣王敦始作俑峻約揚其

氛二桓復濟惡何以慰貞魂流芳或未必遺臭至今聞命盡宜先殺智哉郭景純

殷浩

附王羲之

深源盜虛聲當時擬管葛屢薦尚力辭蒼生以爲戚及其刺維揚跼促鮮施設忽與桓溫攜又拒羲之說北伐屢無功宜其遭廢斥咄咄日何爲空函致誤達哀哉此鄙夫節乖名亦奪

孫

綽

附孫盛

綽幼慕幽居遂初情可覩桓溫欲遷都朝廷不敢拒興公巽而剛雖怒議遂阻安國作春秋據事爲鋪敘諸子跪請之方嚴終不許但期直筆存那能

拒與公異而剛雖怒議遂阻安國作春秋據事爲
鋪敘諸子跪請之方嚴終不許但期直筆存那能
顧門戶

謝安

東山謝安石品望重蒼生當其爲處士已能厭衆
情談笑謝元子遂解壁後兵豈若坦之輩倒持手
板迎秦兵逼境上烽火徹天明舉佐應詔旨不負
知人名圍棋出賭墅鎮靜功乃成出處兩無愧捉
鼻宜自矜

謝佐

幼度蘭玉姿州郡勤屢辟能兼文武才精思周履

屐决戰淝水間風鶴驚鄰敵惟午不負奚勲名著
竹帛

桓冲附王彬

桓冲性謙冲忠心不改易臨終無私言士女咸踊
擗補過為厥兄求外遜安石王彬昔亦然苦諫幾
成隙乃知顓頊子未必皆禱杌

陶潛

潛世仕晉朝義不臣劉宋田園縱荒蕪松菊尚堪
供况有同心人可耕亦可誦寧使盜無儲盃中定
不空詩成授劉鈔翱翔如孤鳳

徐廣附徐羨之傅亮謝晦

不空詩成授劉鈔翱翔如孤鳳

徐廣

附徐羨之傅亮謝晦

天慙遺一老涕泣相追從赫赫徐謝輩轉盼已成
空豈知參夸禍多出定策功九原如可作懽者悲
無窮

王猛

附孫鎮惡

王猛善奇謀捫蝨談要務辭溫往就堅一見藹如
故相秦國富强振幽黜尸素若何棄遺言喪師淮
淝渡鎮惡有祖風南奔事劉裕襲城劉毅誅乘艦
苻泓怖功高衆忌之矯詔將安訴

劉穆之

讀書堂
道民誠國器決斷美如流內總一國政外縮三軍
樞手口互相用才畧無不周惜乎中道殞不爲宋
國留良禽貴擇木此理未暇求

檀道濟

道濟止坑卒不能保其躬報施未易測壞汝萬里
墉義康不足責遺命啟其衷投憤目如炬魏人慶
成功

謝弘微

弘微敦友愛當時播芳聲亡兄尚晉主遺業仗經
營一錢與尺帛登記必分明晉亡公主返入門如
平生僕射重此子寄託賴其誠一門俱感化退讓

營一錢與尺帛登記必分明晉亡公主返入門如
平生僕射重此子寄託賴其誠一門俱感化退讓
無所爭

呂佐伯

佐伯爲宋使詐降刺慧龍探懷得尺刃釋之感心
胸以是守其墓終身願相從仁義爲甲冑疇能戕
吾躬

謝靈運

才人多豪逸靈運乃其流伐木通幽險好爲山澤
遊宋主貫其罪待之益已優其後放自若致爲有
司糾池塘生春草詞苑至今留

雷次宗

次宗慕隱居績學日不倦徵之至建康就山特開館四學重儒宗蔚然經術燦車駕時惠臨巾鞞親問難未幾返衡門不忘廬山面

高允

附崔浩

高公直諒人與浩同修史臨難任不辭對君言無詭非故違東宮恐負翟黑子浩不免刑誅竟同穢史罪及允令中書敷陳恒疊疊喜愠兩不形可謂大臣矣

古弼

筆公魏汲黯爲國能遠謀疲馬給田獵精騎壯干

古弼

筆公魏汲黯爲國能遠謀疲馬給田獵精騎壯干
取獲禽召民運言終疏已投古公固不易魏武量
亦優

顏延之

附謝瞻

延之避峻車爲其要人故賓客日填門典謁不敢
訴出身糞土中而乃驟驕踞以此神不怡棄置不
復顧謝瞻劄棘籬爲晦日憂懼一子與一弟志氣
各異趣

顧愷之

愷之耻隨時風節獨矯矯貧賤分不齊奔競傷雅

道因著定命篇高言越塵表興宗病其迂中心自
永好

虞愿

南朝八百寺湘宮居其首此皆百姓錢賣兒與貼
婦明帝詔往觀愿也從傍剖驅之出殿門功德實
不朽

袁粲 附子最

蕭齊欲篡位奸黨謀已成漂搖傾大厦一木力不
勝敬則宿直閣伯興總禁兵寧為袁粲死不作褚
淵生至今石城側閃閃現精靈

王琨

淵生至今石城側閃閃現精靈

王琨

宋齊易代際競尚勸進功琨獨壽爲戚嗚咽返丘
隴嗟彼王儉輩解綬迎雲龍

褚

淵

附子賁

彥回宋名士舉動乃如此廉耻非所知障扇復爾
爾賁能益父愆不仕讓之弟芝草與醴泉不是根
源美

袁

昂

附馬僊理

梁武廢東昏得此二義士雖在無道邦君臣無異
理當日事勢同閉門誓一死梁主寬宥之爲收人

心耳

范雲

附沈約任昉

此皆竟陵臣同行侍西邸一朝勢位歸若若復纍纍堪笑沈休文懷中出詔紙雲昉無異辭文人類如是

徐勉

徐公佳吏部不聽客求官今夕好風月此外甚勿言割宅捨浮圖高懷人所難

蕭統

昭明性孝謹五歲通六經腰帶十圍大居喪半不

盈寢疾猶力書將以慰親心文選傳藝苑惆悵高

昭明性孝謹五歲通六經腰帶十圍大居喪半不
盈寢疾猶力書將以慰親心文選傳藝苑惆悵高
齋傾

蘇綽附子威

古人不蔽賢僕射有其操應對綽如流不覺曙鐘
報巨細必躬親左丞國之寶威獨務刑威吳儂怨
五教

高澄

崔亮居銓曹始創年勞制庸愚稱聖書賢智苦壅
滯至澄始變通甚協人與地况又廣集思才能俱
引致

湘東王繹

附岳陽王詵邵陵王綸

梁武死臺城諸子操戈起小忿莫能容大仇置不理
試讀邵陵書血淚透素紙僧綽助邵陵其殺固宜耳

牛弘

喪亂典籍少上表訪遺書弘能知國本卓識冠諸
儒周時列柱下漢代羅石渠緬懷嘉則有適爲集
賢儲

江

總

附孔範王瑳

陳主好宴遊時與狎客聚三閣聳雲霄宮嬪擅詩

賦自恃天塹長六軍忽飛渡至今辱井存江水橫

陳主好宴遊時與狎客聚三閣聳雲霄宮嬪擅詩

賦自恃天塹長六軍忽飛渡至今辱并存江水橫
煙霧可憐張麗華魂繞雷塘路

韓擒虎

附高頴賀若弼宇文弼

隋氏并天下賴此四臣力煬帝篡位時不聞保儲
策頴弼及宇文坐以誹謗律走狗先已烹良弓復
中折心久無父兄何惜此羽翼

楊素

楊素開國臣戀戀惟富貴有此一統基纔經二世
敗旣任牝雞啼復與狼子比可憐好家居楊花吹
滿地

李綱

隋文廢太子文紀諫之切歸咎置傅非言詞多嗚咽本無德與功取隋術原謫長星竟徹天不亡何可得

李密

密常乘黃犢莊坐讀漢書天命已有屬聞謠空自愉爲政先足食况經荒亂餘開倉任人取棄置滿路隅不納徐賈說便非與王模妄謂唐見推宜其爲驅除

王通

通初欲用世齋策獻金門及其不見報教授隱河

王通

通初欲用世齋策獻金門及其不見報教授隱河
汾薄產供餽粥敝廬娛典墳無辨究何謗不爭又
誰怨叶弟子有房杜佐唐立功勲

薛道衡

附王冑

二人罪伊何曰爲善吟故阿摩實忌才殊乏帝王
度梁空燕已飛草綠人何處所以鮑參軍才盡無
雋句

宇文述

附裴矩王世充虞世基

嗚呼此四凶自是亡隋者土木役繁興宮嬪色妖
冶綵花雜園池清吹明月下龍舟幸江都曾不念

讀書堂

宗社那知晉陽師江上飛來也

三

讀書堂綵衣全集卷二十四止

雲南文物委員會
會收編移交

讀書堂綵衣全集卷二十四止

雲南文物委員會
會收購移交











